

Powšitkowne WOZJEWJENJA

njedźelu, 28. meje 2017

Serb dóstanje měšniku swjećiznu

Biskop Heinrich Timmerevers wudźěli sobotu, 3. junija, w 10 hodź. na Božej mši w Drježdžanskej katedrali dwěmaj mužomaj měšniku swjećiznu. Jedyn z njeju je Florian Mróz z Kulowa. Wšitcy wěriwi su na tutu Božu mšu přeprošeni a měli so za njeju kaž tež powšitkownje wo duchowny dorost modlić. Swoju primicu změje Florian Mróz swjatkowničku, 4. junija, w 9 hodź. w Kulowskej cyrkwi.

Ministrantska kopańca

Na koparski turněr su ministranća ze serbskich wosadow přeprošeni. Tutón wotměje so sobotu, 17. junija, w Pěskecach. Započatk budže w 9.00 hodź. z Božej mšu we wjesnej cyrkwičce. Nadrobnije informacije su na plakatach pod www.posol.de podate. Tež we wosadach su wone wupowěsnjene.

Wotjězd busa wulěta samostejacych

Za wulět samostejacych přichodnu srjedu, 31. meje, su hišće někotre městna swobodne. Štóz chcył sobu do Kamjenicy a Rudnych hór jěć, njech so hač do pónđzele, 29. meje, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

Bus pojedže po scěhowacym planje:

- 5.55 hodź. Radwor (pola Šmitec)
- 6.10 hodź. Bačoń (bus. zastanišćo)
- 6.20 hodź. Pozdecy (bus. zastanišćo)
- 6.35 hodź. Chrósćicy (bus. zast. nawjes)
- 6.40 hodź. Jaseńca (nawjes)
- 6.45 hodź. Dobrošicy (bus. zastanišćo)
- 6.50 hodź. Hórki (bus. zastanišćo)
- 6.55 hodź. Nowa Wjeska (směr Haty)
- 6.58 hodź. Haty (bus. zastan.)
- 7.00 hodź. Hrańca (bus. zastanišćo)
- 7.02 hodź. Sernjany (nawjes)
- 7.05 hodź. Róžant (Suchy)
- 7.10 hodź. Pěskecy (křižowanišćo)
- 7.15 hodź. Serb. Pazlicy (bus. zastanišćo)
- 7.20 hodź. Njebjelčicy (zastan. hospoda)
- 7.25 hodź. Pančicy-Kukow (apoteka)
- 7.30 hodź. Wotrow (bus. zastanišćo)
- 7.35 hodź. Kašecy (bus. zastanišćo)

Přidatny mały bus:

- 6.30 hodź. Koslow (bus. zastanišćo)
- 6.45 hodź. Šunow (bus. zastanišćo)
- 6.47 hodź. Konjecy (bus. zastanišćo)
- 6.55 hodź. Ralbicy (bus. zastanišćo)

Serbska kwasna rewija

Wšitkich zajimcow, kotřiž so za serbsku rěč a kulturu horja, přeprašuje Chróšćanska Serbska zakładna šula „Jurij Chěžka“ na „Kwasnu rewiju“ z pjera Wórše Wićazoweje. Tutu zahraja šulerjo w serbskej kwasnej katolskej drasće rěčo, spěwajo a rejujo srjedu, 7. junija, we 18 hodž. w Chróšćanskej „Jednoće“.

Z papu so zahorić dać

Nanojo ze swojimi džěćimi – wot předšulskeje staroby – su wot pjatka do njedzele, 9. do 11. junija, do Smochčanskeho Domu biskopa Bena přeprašeni. We wšelakich akcijach, hrach a rozmołwnych kołach chcedža so wěnować prašenju, što to woznamjenja, hdyž za něšto pališ, so horiš, hdyž sy zahorjeny a hdyž so jedyn druheho z něčim zahori. Tež wopyt Budyskeje wohnjoweje wobory je zaplanowany. Zajimcy njech so pod telefonowym čislom (03 59 35) 2 23 17 w Smochćicach přizjewja.

Kolesujo putnikować

K putniskemu tyždenjej na kole přeprašuje Smochčanski Dom biskopa Bena wot 13. do 20. awgusta. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Zajimcy měli so w Smochćicach pod telefonowym čislom (03 59 35) 2 23 15 přizjewić.